



**ШЕШІМ**

**15.10.2021**

Нұр-Сұлтан қаласы

**РЕШЕНИЕ**

**№**

**92/13-VII**

город Нур-Султан

**Нұр-Сұлтан қаласы әкімінің  
елорданың әлеуметтік-экономикалық дамуы  
жөніндегі есебі туралы**

Нұр-Сұлтан қаласының әкімі А.С. Көлгіновтің есебін тыңдап және талқылап, Нұр-Сұлтан қаласының мәслихаты жергілікті атқарушы органның елорданың тұрақты әлеуметтік-экономикалық дамуына бағытталған міндеттерді іске асыру жөніндегі жүйелі жұмысын атап өтеді.

Мәселен, жарты жылдың қорытындысы бойынша өнірлік жалпы өнім 5,1%-ға, яғни 3,2 трлн. теңгеге дейін өскен. 9 айда өнеркәсіп өнімін шығару 12,6%-ға, 982,5 млрд. теңгеге дейін, құрылым жұмыстарының көлемі 6,8%-ға, 399,3 млрд. теңгеге дейін ұлғайған, жұмыс істеп тұрган шағын және орта бизнес субъектілерінің саны 12,1%-ға, 157,3 мыңға дейін артқан. Олардың өндірген өнімдерінің көлемі қантар-маусым айларында 38,7%-ға, 4 трлн. теңгеге дейін артқан.

Экономикалық белсенділікті қалпына келтіру аясында жеке табыс түсімдері 37,3%-ға, 343 млрд. теңгеге дейін өсті (2020 жылы - 249 730,7 млн. теңге). Табыстың негізгі өсімі КТС бойынша алымдарды 1,8 есеге 95,8 млрд. теңгеге дейін (2020 жылы – 52 705,2 млн. теңге), ЖТС (101201) бойынша алымдарды 31,3%-ға 98,8 млрд. теңгеге дейін (2020 жылы – 75 286 млн. теңге), әлеуметтік салық бойынша алымдарды 18,5%-ға 74,7 млрд. теңгеге дейін (2020 жылы - 63 027,6 теңге) ұлғайту есебінен қамтамасыз етілді.

Ағымдағы жылды әлеуметтік салаға жұмысалатын шығыстар 211,9 млрд. теңге немесе бюджет көлемінің 30% сомасында жоспарланған, оның ішінде коронавирустық инфекциямен құрес жөніндегі іс-шараларды жүргізуге 8,1 млрд. теңге көзделген.

Соңғы екі жылда берілген пәтерлер саны 3 есеге артты. Ағымдағы жылды шамамен 10 мың пәтер беру жоспарланып отыр, ол үшін 3,2 млн. ш.м. жуық тұрғын үй пайдалануға беріледі.

Ағымдағы жылдың басынан үлестік құрылымы аясында 24 үйдің құрылышы аяқталды. Жыл сонына дейін тағы 33 үйді тапсыру және 257 пәтерлік апартты жағдайдағы 8 үйді көшіру жоспарлануда.

«Көктал» тұрғын алабына тартылған газ құбырының құрылышы

аяқталды. «Железнодорожный» тұрғын алабында тарату желілері 100% салынды.

«Агроқалашық» бөлігіндегі, «Көктал-1», «Көктал-2» тұрғын алаптарындағы жұмыстар аяқталу сатысында, оларда газ құбырын тексеру жұмыстары жүргізілуде.

«ҚазТрансГаз Аймақ» АҚ «Күйгенжар», «Мичурино», «Интернациональный» тұрғын алаптарын газдандыру жұмыстарын жүргізуде.

2020 жылдан бастап халықтың әлеуметтік осал топтары қатарынан 125 отбасы газдандыруға өтемек алды.

Биылғы жылы ЖЭО-1 және ЖЭО-2 жұмысы ішінәра газға ауыстырылды, 19 әлеуметтік нысанды автономды қазандықтардан газға ауыстыру бойынша жұмыстар жүргізілуде. Бұл нысандарға балабақшалар, мектептер және медициналық мекемелер кіреді.

5 жыл ішінде 80 мың орындық 67 мектептің құрылышы жоспарланған.

Ағымдағы жылы жалпы ұзындығы 5,8 км 11 көше салу және 68 көшеде 49 км. астам жолды жөндеу жоспарланған, оның ішінде 41 көше (22,29 км) - тұрғын алаптарында.

Биылғы жылы 138 аула және 26 қоғамдық кеңістік, оның ішінде тұрғын алаптарындағы 6 қоғамдық кеңістік және 19 аула абаттандырылды. Қаланың 770 мың шаршы метрден астам аумағы абааттандырылды: бұл үлкен футбол, баскетбол аландары, сондай-ақ воркаут аймақтары, ойын аймақтары. 60 мыңдан астам ағаш пен 80 мың жасыл желең отырғызылды.

19 көшеде 1,8 мың шамды жарықдиодты шамдарға ауыстыру жүргізді, бұл электр энергиясына жұмсалатын шығындарды 40%-ға үнемдеуге мүмкіндік берді.

Жыл сайын елордада 3 млн. шаршы метрден астам тұрғын және коммерциялық аландар іске қосылады, осыған сәйкес жылу тұтынудың өсуі туындейді. Бүгінде қала барлық өндірілген жылуды тұтынады. Ағымдағы жылы жалпы жүктемесі 245 Гкал/сағ болатын 139 жаңа құрылыш нысандарын іске қосу күтілуде. ЖЭО-1 және ЖЭО-2 қуаттары бұл қажеттіліктерді қанағаттандыра алмайды. Сондықтан ЖЭО-3-тің 1-кезегін іске қосу қажет, бұл жылу энергиясының 440 Гкал көлемінде өсуіне мүмкіндік береді (4 қазанды іске қосу).

Қазіргі уақытта елорданың өсуіне байланысты КТҚ-2 (көріздік тазалау қондырғылары) құрылышына шұғыл қажеттілік туындал отыр. КТҚ-2 қуаттылығы жылына 43 млн. м3 құрайды. Нысанды іске асыру 2022-2024 жылдарға жоспарланған.

Сонымен қатар, қалалық мәслихат сессиясы қабылданып жатқан шараларға қарамастан, бірқатар проблемалық мәселелер бар екенін атап өтті.

Қала тұрғындарынан әлеуметтік, тұрғын үй нысандары құрылышының және оларды пайдалануға қабылдау сапасына қатысты көптеген шағымдар түседі. Мемлекеттік қаражат есебінен салынған және мемлекеттік бағдарламалар бойынша жөндеу жұмыстары жүргізілген үйлердің

тұрғындарынан, мысалы, С-409, Қошқарбаев, Шалкөде көшелеріндегі үйлерге қатысты көптеген шағымдар, сұрақтар келіп түсude. Осыған байланысты бюджет қаражаты есебінен үйлерді салу және жөндеу кезінде бақылауды күшету қажет. Тұрғын үй-коммуналдық саласына, пәтер иелері кооперативтері қызметінің нашарлығына қатысты көптеген шағымдар түседі.

Ұзақ уақыт бойы шешімін таппай келе жатқан проблемалық мәселелердің бірі қалалық инфрақұрылым объектілерінің халықтың қауқары аз топтары үшін бейімделмегендігі болып табылады. Депутаттармен қоғамдық көліктеге рейд жүргізілді, нәтижелері бойынша автобустардағы пандустардың жарамсыздығы немесе болмауы, мүгедектер арбасында жүріп-тұру үшін тротуарлардың жабдықталмауы, жүргізушілердің мүгедек адамдарға қызмет көрсетуге үйретілмеуі сияқты бірқатар кемшіліктер анықталды. Автобус маршруттары мен автобустардың аздығы. Қала ғимараттарының, құрылыштарының және өзге де абаттандыру объектілерінің едәуір бөлігі инклузивтік деңгейінің төмендігімен сипатталады.

Тұрғындардың қаланың автомобиль жолдары мен тротуарларының (Корғалжын тас жолына іргелес көшелер, Пушкин, Бектуров, Бекейхан, Үшқоныр, Қордай көшелері және т.б.) қанағаттанарлықсыз жай-күйіне қатысты шағымдары жүйелі түрде түсіп отырады.

Нұр-Сұлтан қаласының Төтенше жағдайлар департаменті, Нұр-Сұлтан қаласының Полиция департаменті сияқты елорданың маңызды құрылымдарының мәселелері жедел қарауды талап етеді. «Оңтүстік-Шығыс» шағын ауданын одан әрі дамыту бойынша мәселелерді кешендей шешудің уақыты келді.

#### **Нұр-Сұлтан қаласының мәслихаты ШЕШТІ:**

1. Нұр-Сұлтан қаласы әкімінің елорданың әлеуметтік-экономикалық дамуы жөніндегі есебі назарға алынын.

2. Қазақстан Республикасы Президентінің Жолдауынан, 2021-2025 жылдарға арналған Нұр-Сұлтан қаласын дамыту бағдарламасынан туындастын міндеттерді іске асыру жөніндегі іс-шаралар жоспарының одан әрі орындалуын қамтамасыз етсін.

3. Мәслихатпен келісім бойынша Нұр-Сұлтан қаласының Төтенше жағдайлар, Полиция департаменттерінің, елорданың деңсаулық сақтау жүйесінің қызметін одан әрі жақсартуға бағытталған міндеттер кешенін шешу жоспарын, сондай-ақ «Оңтүстік-Шығыс» шағын ауданын одан әрі дамыту жоспарын бекітсін.

#### **4. Нұр-Сұлтан қаласының әкімдігіне:**

бюджет қаражаты есебінен үйлерді салу және жөндеу кезінде бақылауды күшету;

бірінші кезектегі міндеттерді (әлеуметтік сектор, деңсаулық сақтау, білім беру, қоғамдық қауіпсіздік) іске асыруға бюджет қаражатын бөлу басымдығына қатысты құжат әзірлеу;

сапасыз салынған және пайдалануға берілген тұрғын үйлердің құрылышы барысында жіберілген ақауларды, бұзушылықтарды жою бойынша шаралар қабылдау;

пәтер иелері кооперативтерінің қызметін талдау, мұлік иелері бірлестіктерін (МИБ) құруды жандандыру;

барлық қалалық инфрақұрылым объектілерінің халықтың қауқары аз топтары үшін қолжетімділік нормаларына сәйкестігін қамтамасыз ету;

автобустар санын көбейту, әсіресе қарбалас уақытта;

қанағаттанарлықсыз жағдайдағы жолдарды бірінші кезекте жөндеу бойынша шаралар қабылдау ұсынылсын.

5. Осы шешімнің орындалуын бақылау Нұр-Сұлтан қаласы мәслихатының тұрақты комиссияларына жүктелсін.

**Нұр-Сұлтан қаласы  
мәслихатының хатшысы**

Е. Каналимов